

FUSA KYRKJEBLAD

Nr. 5

Oktober 2021

Årgang 87 år



Opne kyrkjer – Velkommen!



Gamledagars-
gudsteneste
S. 3



Marko – Klar for ny
dag, klar for ny kamp!
S. 4-6



Haust-
konfirmasjonar 2021
S. 8-10



Nytt
konfirmantkull
S. 16

FUSA sokn Fusa kyrkjekontor

FJORD'N SENTER 2. HØGDA
Postboks 73, 5649 Eikelandssosen
Tlf. 56 58 01 81
E-post: post.fusa@kyrkja.no

Kontortid

Mandag - fredag kl.09.00-14.00
Prest og organist har fridag måndag.

Sokneprest

Einar Ekerhovd 91 38 29 64

Dagleg leiars. kyrkjeverje

Hans Einar Markhus 95 93 65 80

Kyrkjeverje

Kristine Fjeld 41 42 68 59

Trusopplæring

Norunn Rød Markhus 91 63 77 13

Eirun Bjotveit Fonneland 94 88 85 06

Konsulent

Ingebjørg Sundfjord Gjør 97 71 17 23

Medarbeidarkoordinator

Hartvig Haugen 97 01 35 94

Kantor

Iman de Zwart 95 03 93 33

Soknerådsleiar

Sigbjørn Sundfjord 97 65 00 93

Kyrkjetenarar

FUSA KYRKJE

Rianne de Zwart 46 68 03 96

STRANDVIK KYRKJE

Rianne de Zwart 46 68 03 96

HÅLANDSDAL KYRKJE

Terje Rød 48 25 56 46

SUNDEVOR KYRKJE

Øyvind Nordbø 48 30 52 59

SÆVAREID KAPELL

Terje Rød 48 25 56 46

Gåver til kyrkjelydsarbeidet
kan sendast Fusa sokneråd,
bankgiro: 3530 25 86215
eller VIPPS #90436

FUSA KYRKJEBLAD

Postboks 73, 5649 Eikelandssosen

Ansvarleg utgjevar:

Fusa sokneråd

Konto for kyrkjebladet:

3530 25 86215

Bladpengar er kr. 250,- pr. år

Utanbygds kr. 350,- pr. år

REDAKSJONSNEMND:

Hans Einar Markhus
Toril Hjartåker Hauge

I Kristus

Begepet «i Kristus» er svært sentralt i vår kristne tru. Det påvirkar korleis vi ser på oss sjølve, vår identitet og vår verdi i Guds auge. Paulus brukar dette begrepet ofte i sine brev. Gud har tatt seg av deg og plassert deg «i Kristus». Ikkje like lett å fatte med tanken, men eit lite bilde kan illustrere denne sanninga. Ta eit lite ark og skriv navnet ditt på. Plasser så dette arket med ditt navn på i din bibel. Der bibelen er der er du. Du er ikkje ein del av boka, men er plassert inni den. Slik er det med deg og Kristus også. I han er du velsigna med all andens velsigning i himmelen.

Vi har no starta med Alpha igjen, og det er godt å bli minna om dei sentrale sanningar i vår kristne tru. I starten av kurset fokuserer vi på Jesus, hans liv og hans død. Han er ein av dei som er meir kjend for sin død enn for sitt liv. Det seier oss noko om kor viktig hans død var for oss.

For verkeleg å forstå kor viktig hans død var, kan vi bruke eit bilde frå rettsalen. Gud er rettferdig, men også nådig.

Det var to menn som voks opp saman, men livet tok dei i ulik retning. Han eine vart ein jurist og hadde ei viktig rolle som dommar i rettsaker. Han andre møtte mykje motbør i livet og havna i dårlege miljø. Dei møttest etter mange år i rettsalen. Domaren drog kjensel på kameraten frå barndommen og stod overfor eit dilemma. Etter lova måtte han dømme rettferdig, men i sin godleik kjende han på sorg over denne mannen som var tiltalt. Han dømde han til å betale ei bot. Det var rettferdig. Så gjekk han ned til kameraten, omfamna han og sa: Eg betalar bota. Det var nåde og kjærleik.

Slik er Gud. Når eg er «i Kristus» får eg ein rettferdig dom, men Jesus betaler denne straffa som skulle ramma meg.

*Ren og rettferdig, himmelen verdig
Er jeg i verdens frelser alt nu
Ordet forkynner, at mine synder
Kommer Han aldri mere i hu
Å, jeg er frelst og salig fordi
Sønnen har gjort meg virkelig fri
Fri ifra nøden, dommen og døden
Amen, Halleluja*

Dette er vel verdt eit lite Halleluja. Og ikkje minst eit stort AMEN!

ENDELEG!

Endeleg er kyrkjene heilt opne att og alle arrangementa som Fusa sokn arrangerer kan gjennomførast utan særskilde restriksjonar. Vekke er sperrebånd, merking av benkar og sitjeplassar og me kan samlast til gudstenester og andre samlingar og kjenna på fellesskapet. Dei fleste gravferder blir opne for alle som ynskjer å vera til stades og ein treng ikkje melda seg på eller føra lister lenger, og barne- og ungdomsarbeidet er i full gang. **Endeleg.**

For det er dette kyrkje er; Fellesskap med Gud og med kvarandre.

VELKOMEN TIL KYRKJE ATT!



Sokneprest
Einar Ekerhovd



Gamledagarsgudsteneste

i Hålandsdalen kyrkje,

søndag 24. oktober kl. 11.00



I samband med at Fusa kyrkjeblad har 100-årsjubileum denne hausten, ynskjer me å skipe til ei gudsteneste med gammal liturgi frå om lag den tida då kyrkjebladet vart skipa. På gudstenesta vert det mogleg å dresse seg opp i kyrkjeklede anno tidleg 1900-talet: vadmelsstakkar, skjorter, sjal, strikkajakkar, hårslyfer, vestar, hattar og brosjer; her er det berre fantasi-en som set grenser. Håpar at mange vil ta utfordringa!!

Samme helga vil også den årlege TV-aksjonen gå av stabelen. Temaet i år er «Barn ikkje brud». I den samanheng har me lyst å gje barnet eit ekstra fokus og er derfor interessert i å komme i kontakt med dykk som har dåpskjolar frå 1900-talet i heimen og som kan tenkje dykk å låne dei ut: I samband med gudstenesta, vil me freiste laga til ei lita dåpskjoleutstilling i kyrkja. **Ta kontakt med kyrkjekontoret om du har ein aktuell dåpskjole; 56 58 01 81 eller post.fusa@kyrkja.no innan onsdag 20. oktober.**

Prest på gudstenesta vert kapellan Annette-Emilie Gangstø og kunnjeringane- både nytt og gammalt- vil bli kunnjort på kyrkjetrappa etter gudstenesta. Det vert dessutan høve til å kjøpe seg kyrkjekaffi på Eidegrend Klyngjetun etter gudstenesta.

Hjarteleg velkommen til ei annleis gudsteneste.

Hålandsdalen kyrkjeutval i samarbeid med Fusa sokneråd



Nr.10

Lørdag 10. oktober 1925.

4. aargang.

Har du gamle kyrkjeblad?

Fusa kyrkjeblad kom ut første gong i 1921 men det har ikkje vore laga kyrkjeblad kvart år sidan. Årgangen i år, i 2021, er 87. årgang, så det har vore nokre år med stopp i produksjonen. I arkivet på kyrkjekontoret manglar me nokre utgåver av kyrkjebladet. Først og fremst gjeld dette utgåver i åra 1925 – 1929. Har nokon blad frå denne perioden liggjande? Gje i så fall ein lyd til oss på kyrkjekontoret.

I september vart det arrangert 4 kvardagsgudstenter i soknet. Desse vart haldne på ettermiddagstid i Strandvik og Hålandsdal kyrkjer, samt Sævareid kapell og Bygdaheimen på Holme-fjord. 4- og 5-åringane i soknet var særskild invitert til å koma for å motta barnebibel og korsssmykke, men søsken og foreldre var òg velkomne. Kyrkjelydspedagog Norunn og kyrkjelydsarbeidar Eirun stod for opplegget som inneheldt mellom anna lesing av bibelfortelling, leiting etter bortkomen sau, song og eting av hot-dog. Kjekke samlingar og godt oppmøte - takk til alle som var med på ei annleis samling i kyrkja!



«Klar for ny dag! Klar for ny kamp!»

Marko vaks opp i Beograd, 100 meter frå ein fotballbane. Når faren kom heim frå nattskift, tok han sonen med på tidleg trening. «Kjærleiken til fotballen har eg arva frå han,» seier Marko. «Den inspirasjonen og oppmuntringa han gav meg, ynskjer eg å gje vidare til mine eigne barn.» Kva sportar og lidenskapar dei to sønene hans kjem til å dyrka gjennom livet, er for tidleg å seia, men Marko har i alle fall sørgja for at også dei har gangavstand til ei grasmatte, nemleg den i Eikelandsosen.

Tekst og foto: Toril Hjartåker Hauge

Beograd

«Far min er sjølv oppvaksten i Beograd,» fortel Marko. «I 1977 møtte han mor mi der, og dei to bur der enno. Mor mi kjem frå Krusevac, ein liten by i sør-Serbia. Om somrane fór me dit og besøkte besteforeldra mine. Av og til drog me heilt vest til kysten i Montenegro. Me reiste alltid med tog, og dei gjekk jo ganske sakte den gongen. Desse lange, rolege togturane og vekene ute ved havet høyrer til mine aller beste minne.» Derfor: Då Marko skulle vera med Eikelandsfjorden idrettslag på Norway Cup i 2017, var det opplagt at han valde toget over vidda. Også den turen har han lykkelige minne ifrå.

Ikkje berre feriane, men også kvardagen i Jugoslavia minnest Marko med glede. «Eg hadde ein trygg og god oppvekst. Begge foreldra mine hadde solide jobbar. Mor mi arbeidde 38 år som rekneskapsførar i Beograd brannvesen; far min var mekanikar på ein papirfabrikk, også han i 38 år. Sjølv var eg opptatt av skule og fotball. Eg var berre eit par år då Tito døydde i

1980, så hans regime hugsar eg ikkje. Sett i ettertid kan ein seia at Jugoslavia i praksis var over då. Etter det var det veldig usikkert kva retning landet skulle ta.»

Om lag ti år etter kom konflikta heilt opp i dagen, og oppløysinga av Jugoslavia tok til. «Eg var 12 år då borgarkrigen starta. Som ung gut hadde eg ikkje klart for meg alt som føregjekk, men eg merka jo at det var noko som ulma. Så plutselig kom kaoset og krigen.»

Ansiktet til Marko endrar seg når me kjem inn på dei urolege tidene på 1990-talet. Han ser vekk, og to djupe rynker dukkar opp mellom dei elles så smilande augo. «Eg liker ikkje å snakka om den tida. Det set i sving så mange tunge kjensler, og får fram så mange vonde bilde i hovudet. Borgarkrigen var frykteleg trist. Mange mista så mykje; mange måtte flykta.» Marko og hans familie heldt fram med å bu i Beograd, men den sorglause barndomen var forbi.

Sidan den tid har heimlandet vore gjennom ulike styre- og namneendingar; sidan 2005 heiter det Republikken Serbia. «Eg håper det er over no,» seier Marko, «og at me greier å leva saman i respekt. Krig er inga løysing. Den skaper berre meir problem og liding, og skadar uskuldige folk. Eg tenkjer som så, at om nokon er ulik meg, skulle det ikkje vera noko problem. Det er kanskje ein utopi å tru at det går an å leva saman på den måten, men det er i alle min draum.»

USA

I fred som i ufred, - fotball spelte Marko utan stopp. Då han var 20, var han med i 3. divisjon i den serbiske ligaen og måtte ta eit val: Enten satsa for fullt på idretten eller byrja ei yrkesutdanning. Marko ynskta å gjera begge delar, og var glad han fekk sjansen til

det, - ikkje i heimlandet, men i USA. I år 2000 fekk han eit stipend i Iowa som omfatta både skulegang og fotball. Etter to år der fekk han eit nytt stipend i St. Louis. I tillegg til ein grad i økonomi oppnådde han trenarlisens. Dermed kunne han arbeida vidare som fotballlærer i skulevesenet mens han fullførte masteroppgåva si.

«Eg tenkjer som så, at om nokon er ulik meg, skulle det ikkje vera noko problem»

I mellomtida hadde Marko møtt Jelena. Det skjedde mens han ferierte i heimlandet sommaren 2006. Dei vart eit par, og ho reiste med han til USA. «Familien betyr **alt** for meg. Sidan foreldra mine ikkje kunne reisa så langt då eg skulle avleggja Master-eksamen i 2008, var det veldig godt at Jelena var der.»

Eikelandsosen

Neste gong ekteparet etablerte seg i utlandet, var det på grunn av Jelena sin karriere. I 2015 fekk ho tilbod om å arbeida i Vitus apotek i Noreg. To stader var aktuelle: éin i Nord-Noreg, éin på Vestlandet. «Vår eldste son, Jovan, var to år då, og me syntest Nord-Noreg høyrdest veldig kaldt ut. Vest-Noreg hadde eit litt meir moderat klima, så me valde Eikelandsosen. Det er me veldig glade for. Den 4. mai 2016 landa me på Flesland fyrste gongen. Det er blitt ein merkedag for oss. Den fine måten fusingane møtte oss på, gjorde at me straks kjende oss velkomne, og no ser me på Eikelandsosen som heimen vår. Den 4. mai i år feira me 5 års-jubileet med kake!»

Ein av mange ting Marko liker med Eikelandsosen, er at «Alle kjenner alle.» Det var Jelena som hadde fast





Marko i sitt rette element; på fotballbana.

jobb her, men det kom fort fram kva kompetanse Marko sat på òg. Ganske raskt vart han hyrt inn som hjelpe- eller hovudtrenar for ulike fotballag i Eikelandsfjorden idrettslag. Han trekker særleg fram Jenter 17-laget som Arild Tveit var hovudtrenar for, og Gutar 19-laget/A-laget som Fredrik Andersen var hovudtrenar for. «Det var dei to i tillegg til Merete Midtrød, Håvard Ragnhildstveit og Arnt Ove Lundervik som gav meg sjansen der.»

Apropos sjanse: Endå så glad Marko er i fotballen, lovpriser han Fjorden Arena og alle moglegheitene den byr på. «Jovan har allereie gult belte i karate, og det kan godt henda han kjem til å satsa hardare den vegen enn på fotballen. Han er nok meir individualistisk enn det faren og farfaren hans er.»

Kyrkja

Kyrkja er ein fellesskap som strekkjer

seg over alle landegrensar. Marko og familien hans tilhøyrer den serbisk-ortodokse greina av kristendomen. Her på Vestlandet møttest dei i Bergen, «Me har ikkje eiga kyrkje der, så me leiger eit lokale, men til dei store høgtidene kjem det ein prest frå den serbisk-ortodokse kyrkja Sankt Vasilije Ostroski i Oslo, og held messe også her vest.»

«I den ortodokse kyrkjekalenderen blir juledag feira 7. januar, mens påska fell på ulike datoar frå år til år, slik som for den norske kyrkja. Før desse store festane fastar me i førti dagar, til minne om Jesus sine førti dagar i ørkenen der han fasta og vart freista av djevelen. Ikkje all mat og drikke er forbode,» understrekar Marko. «Faste for oss betyr at me ikkje et animalske produkt som kjøtt, egg og mjølk. Fisk og all plantekost er tillate. Ei slik faste er ikkje eigna for barn, og sjølv for vaksne er ho frivil-

lig. Noko av det viktigaste ved fasta dreier seg dessutan ikkje om mat, men om at me fokuserer på positive tankar og gode gjerningar.»

«Noko av det viktigaste ved fasta dreier seg dessutan ikkje om mat, men om at me fokuserer på positive tankar og gode gjerningar»

Jovan og Nikola

I Serbia er det vanleg at kvar storfamilie har ein skytshelgen, og den som vernar Marko si slekt, er Sveti Jovan (= Sankt Johannes), han som me i Noreg kallar døyparen Johannes. Difor bestemte Marko seg alt i tenåra for at viss han nokon gong fekk ein son, skulle han heita Jovan, og slik blei det.



På merkedagen til skytshelgenen sin held familieane storslåtte festar. I Noreg er døyparen Johannes ein av dei helgenane som har halde seg lengst i folkeminnet, truleg fordi han var så heldig å ha fødselsdag midtsommars og difor blir hylla med bål den 23. juni. Marko fortel at i serbisk-ortodoks tradisjon blir han særleg feira den 20. januar, og sidan svært mange familiar har nettopp Sveti Jovan som skytshelgen, seiest det at på 20. januar er alle serbarar på fest – enten inviterer dei sjølve, eller så blir dei invitert.

Desse skytshelgen-festane blir kalla Slava og er så særmerkte at dei i 2014 vart innlemma i UNESCO si liste over immateriell kulturarv, den same lista som Oselvaren og stev frå Setesdalen står på. (Kjelde: ich.unesco.org).

«Klar for ny dag, klar for ny kamp!»

I februar fekk Jovan ein veslebror. Denne gongen var det Jelena som skulle velja namn, og det blei Nikola. Sveti Nikola er den nest mest folkekjære helgenen i Serbia, og grundig kjent i vår protestantiske verd òg, som Sankt Nikolas, julenissen. I sommar besøkte familien på fire Serbia, til stor glede for besteforeldra, og Nikola vart døypt der.

«Sjølvs er eg ein barn», fortel Marko. «I Serbia er det lett å verta del av ein storfamilie likevel, for alle søskenbarna våre kallar me bror og søster, og alle heilt opp til sju-, åttemennin-

gar er sett på som fettrar og kusiner. Det er godt å ha familien rundt seg. Me har serbiske venner i Strandvik, på Os og i Samnanger, men slekta vår bur jo langt unna. Difor ynskte me at Jovan skulle ha søsken her.»

Når det gjeld nettverk på tvers av nasjonalitetar, har Marko nytta tida i Noreg godt. Han kjenner mange, og mange kjenner han, både frå idrett og yrkeslivet. «Eg er veldig takknemleg overfor folk i Fusa kommune som gav meg sjansen til å jobba der.» Det siste året har han vore miljøarbeidar ved ungdomsskulen i Eikelandsosen. "Klar for ny dag! Klar for ny kamp!" seier Marko når han kjem inn dørene der om morgonane. Han helsar på alle, opnar dører med eit lite bukk og står som eit fjell mens det surrar rundt han. Han verkar ikkje stridslysten i det heile, men veit at ein ikkje kan ta freden for gitt.

Det Marko kjempar for, er at me menneske skal leva godt saman sjølvs om me er ulike, – og at Eikelandsfjorden skal vinna neste fotballkamp, sjølvsagt.

DE Rørleggerservice

5645 Sævareid

Mobil: 915 87 002

E-post: deror@online.no



Sentralgodkjent rørleggerfirma

joker

STRANDVIK

MAN-FREDAG 09.00 - 19.00
LØRDAG 09.00 - 18.00

TLF. 56 58 48 12

Os Gravferdsbyrå as



Døgntelefon
56 57 49 50

Jorunn Moberg
Agnethe Øvreide

Vi utfører alt det praktiske, eller legg til rette for pårørende som ønskjer å gjera noko sjølve. Ope etter avtale. Brugata 50, Os.

www.osgravferdsbyraa.no

Prosjektering
Rehabilitering
Nybygg

TA KONTAKT MED

BYGGMESTER

SVENN C. STORUM

951 56 327 storum@fusi.no

Malerfirma

Kenneth Samnøen

5640 Eikelandsosen

Alt innen malerarbeid og tapetsering

Tlf. 90 80 15 38



HERBALIFE
ERNÆRING

Selvstendig Herbalife Medlem

Med produkter for:

- vektkontroll
- vitalitet og overskudd
- kosttilskudd for trening og idrett
- hud- og kroppspøleie
- inn- og utvendig ernæring

TA VARE PÅ HELSA DI !

Spør etter gratis prøvepakke, uten forpliktelser.

Ring: 924 94 169

SIGNE GANGSTØ

E-post: famgang@fusi.no

<https://signeg.goherbalife.com/nn-no>



Svaret er 1920

Til dei av dykk som har lurt på kva tid tradisjonen med Olsok-gudstenester i Holdhus kyrkje starta i moderne tid, kan me no fortelja at svaret er verken 1921 eller 1924 som det vart spekulert på i førre nummer av kyrkjebladet. I ein artikkel i avisa Dagen 4. august 1921 står det nemleg:

”Fraa Haalandsdal.

Etter oppmoding av ungdomslaget har den nye soknepresten baade ifjor og iaar helde gudstenesta Olsokdag i den gamle kyrkja.”



Om ikkje endå fleire kjelder i saka dukkar opp, kan me slå fast at tradisjonen starta alt i 1920, og at det var verken sokneprest Søren Hansen eller biskop Peter Høgnestad som kom på idéen, men Hålandsdølingane sjølve.

Dermed er altså både 100- og 101-års-markeringa unnagjort!

Toril Hjartåker Hauge

Arbeidet med operasjon av brannskadde born og ungdom i Etiopia held fram!

Til tross for både Covid-19 og uro i Etiopia held dr Einar Eriksen og hans medarbeidarar arbeidet gåande med å operere brannskadde. I neste nummer av kyrkjebladet kjem det meir informasjon om korleis arbeidet går, og der vi skal få lese meir om både utfordringar - og spennande og interessante nyhende. Vi i Fusa kyrkjelyd har vekerleg høve til å vere med også i tida som kjem å hjelpe born og familiar – og gje dei nytt håp i eit land med svært store utfordringar! Fusa sokneråd er takksame for alle gaver som kjem inn til dette viktige og meningsfulle arbeidet helsepersonellet på brannskadeavdelingane i Etiopia utfører.

Fusa sokneråd



Kebede er 18 år. Han har ligget samankrøyka i 8 mndr etter brannskade i begge bein. Han kom frå landsbygda og til sjukehuset i Hagere Mariam. Pga dei alvorlege skadene vart han vidare sendt til Addis der Einar Eriksen sine medarbeidarar gjennomførte operasjonar. Etter 3 mndr, i juli 2021, vart han utskrive. Det var ein stor dag for Kebede – og for alle på avdelinga

Tilbod om skyss

til gudstenester i Fusa sokn

Me startar opp att med tilbod om kyrkjesyss til gudstenester i Fusa sokn. Har du behov for dette, eller kjenner nokon som har det, ta kontakt med kyrkjekontoret. Dette er eit tilbod til deg som bur i soknet og ikkje har moglegheit til transport sjølv.

Du kan kontakte kyrkjekontoret på telefon 56580181, så skal me prøve å ordne skyss/samkøyring.



Velkomen til kyrkja!

*Hartvig Haugen,
medarbeidarkoordinator*



Hausten er tida for jakt og rundt omkring i heile soknet sit menn, og nokre damer, på post. Ein haust for ein god del år sidan var det komen ein ny prest til fusa-bygdene. Ryk-

tet gjekk om at denne presten ikkje var like glad i haust-jakta som mange av sokneborna var. Etter ei stund våga ein av dei mest ivrige jegerane seg bort i prestegraden for å snakka med presten om dette. Han spurde presten: «Meinar presten at det er syndig å gå på jakt?» «Nå», sa presten, «det syndige er vel for så vidt ikkje jakta i seg sjølv. Verre er det vel med all den uhemma lyginga om det i årevis etterpå».



Konfirmantar i Fusa sokn hausten 2021

Pandemien førte til ei oppdeling av konfirmasjonane i år. 13 av konfirmantane i 2021-kullet valde å konfirmera seg i mai, medan dei resterande 36 har konfirmert seg no i hausten.



Fusa 28. aug: Lars Ivar Opsal. Foto: Norunn Rød Markhus.



Fusa 28. aug: Emilie Kvam Holmefjord, Maren Gravdal, Silje Gravdal, Celine Kaland, Adrian Øpstad-Håvik, Oda Linnea Holmefjord Lyhammer. Foto: Cecilie Øpstad.



Fusa 28. aug: Helga Øvredal, Ørjan Almås Aase, Tuva Sagstad, Jon Helge Øpstad, Alma Horne, Rune Hesjedal, Henriette Frydenlund, Jessica Dysvik-Johansen. Foto: Britt Mari Gjerde.



Hålandsdalen 29. aug: Alf-Harald Johnsen Aarra, Andreas Aarseth, Daniel Eikeland Gjøen. Foto: Norunn Rød Markhus.



Hålandsdalen 29. aug: Marie Olderkjær, Sara Gabriela Mella Kvamme, Bjørg Marit Eide. Foto: Aina Vormestrand Olderkjær.



Strandvik 4. sept: Jonas Bergheim.
Foto: Rune Bergheim.



Strandvik 4. sept: Juni Iselin Garverhaugen, Askil Furubotn Storum, Sarah Valestrand, Sondre Lyhammer Sævareid, Magnus Stenevik Gjøn. Foto: Ingebjørg Sundford Gjøn.



Strandvik 4. sept Ida Skarstein Bakka, Ingvild Dalland, Gabriel Abotnes, Are Vindenes. Foto: Ingebjørg Sundford Gjøn.



Ølve kyrkje 19. sept: Magnus Nordtveit Berge. Foto: Magnar Berge.



Fusa 5. sept: Niklas Nilsen, Shakira Japole Rennesvik, Hannah Eline Heidal, Martine Henanger Solheim. Foto: Ingebjørg Sundford Gjøn.

Open kyrkje

i Strandvik

26. oktober kl. 19.00
30. november kl. 19.00



Babysong/Musikk frå livets begynnelse

Velkommen til Musikk for livets begynnelse for alle born i alderen 0-2 år.

Stad: Eikelandsosen bedehus

Tid: Tysdagar (veke 43-48) kl 11.00 – 12.30

26. oktober, 2. november, 9. november, 16. november, 23. november og 30. november

Kontaktperson: Eirun, Tlf. 94888506/ef882@kyrkja.no

Påmelding: Innan 22. oktober

Pris: Kr. 250,- for heile kurset

Ta med godt humør og matpakke. Me serverer kaffi/te/soft



JAZZ

i Hålandsdal kyrkje



Fredag 29. oktober vitjar Jazz-gruppa Louisiana Washboard Five Hålandsdal kyrkje. Dei er eit kjend orkester som spelar 1920-tals jazz på banjo, klarinett, tuba, trompet og vaskebrett. Dei har halde på sidan 1997 og har vitja Hålandsdalen før.


Velkommen til ein annleis konsert i kyrkja!

Arrangør er Hålandsdalen bygdalag.

Haugespor

Mandag 15. november arrangerer Samnanger sokn i lag med Fusa sokn forestillinga «Haugespor – skaparånd, spetakkel...og strikkepinnar» av og med revygruppa Ryfylke Livsgnist. Dette er ei framsyning i samband med 250-års jubileet til Hans Nielsen Hauge.

Ryfylke Livsgnist har ved fleire anledningar laga treffande og gode framsyningar som ser med skråblikk på kyrkje, kristenliv og historie. I samband med Luther-jubileet i 2016 stod dei for suksessframsyninga «Luther med latter». No er det Hauge og arven etter han som står for tur, og me glør oss til å ta i mot dei i Haga kyrkje i Samnanger.



Billettane kostar kr. 200,- vert lagt ut for sal snart. Følg med på facebook og andre stader der informasjon vert lagt ut.



STRANDVIK

Transport og Maskin AS

* 5643 STRANDVIK □ strandvik.no ■ dulten@online.no
☎ 56 58 21 11 □ 918 44 000 □ 900 12 126 □ 918 18 592



Eide

VARMEPUMPER, JERNVARER, HVITEVARER, BRUNEVARER,
BILUTSTYR, BÅTUTSTYR OG FISKEUTSTYR

Tlf 5658 1386 - FAX 5658 1656 - MOB 9054 4766
BERGE ELEKTRONIK

Opningstider: **Man-Fre 10-17, Tors 10-18 og Lør 10-15**



Norheimsund
TRYKKERI AS

Steinsdalsvegen 187 A
5600 Norheimsund
Tlf. 97 59 24 88
E-post: post@nhstrykk.no
Alt i trykksaker

SPAR

Fusa

Man-fre **8-21**
Lørdag **9-20**

Tlf. 56582133
spar.fusa@spar.no

Velkommen til hyggelig handel hos Spar Fusa!

Din leverandør av takkonstruksjoner og precut

L. HJERTNES AS



5646 Nordtveitgrend • Tlf: 56 58 20 60
E-post: post@lhjertnes.no
www.lhjertnes.no



BYGGADMINISTRASJON
Harald Bjørndal a.s

PROSJEKTADMINISTRASJON - TAKSERING - KVALITETSUTVIKLING - OPPLÆRING

Tlf. kontor: 56 58 11 30
Tlf. privat: 56 58 51 19
Telefax: 56 58 11 99
Mobil: 970 63 526
E-mail: post@byggadmin.no

Postboks 103
5649 EIKELANDSØSEN

ah MALERMESTER
ALF HJELLE & SØNN AS

Utfører alt i maler- og golvbeleggarbeid

Butikk i Fjord'n Senter

**FARGERIKE
HJELLE**

Åpningstider: Kvardagar kl. 10.00 – 18.00
Laurdag kl. 10.00 – 16.00

Tlf. 56 58 15 25 eller 915 46 880
E-post: firmapost@alfhjelle.no

FUSA AUTO A/S
BILVERKSTAD



Fusa Auto AS

Opsalneset 20, 5641 Fusa
Tlf. 56 58 22 86
Opningstid: mån-fre 07:30-16:00



www.meca.no

M E C A



P. H. Haugen
Landhandel - Sævareid
tlf. 56583110

e-post:
narbutikken.severeid@narbutikken.no

Fusa
Ferdigbetong as

5640 Eikelandsosen

Betongpumping - ferdigbetong
sand - singel - grus
transport - maskinarbeid
betongprodukter m.m.

Tlf. 56 58 13 10
Mobil 913 65 482 / 951 87 421
E-post: post@fusabetong.no



BARNESIDA

FARGELEGG
DEN GODE GJETAREN



Jesus seier: «Eg er den gode gjetaren.» Johannes 10,14a

VITSAR



Grisefeber

Har du høyrd om grisen så hadde så høgt feber at det stinka steikt bacon lang veg?

Badar elgen?

Kvifor likar ikkje elgen å bada?

- Den er redd for å bli rein


Kaldt?

Ein strandviking og ein hålandsdøl diskuterte vêret.

- Me har hatt fem minusgrader i vinter, sa hålandsdølen.

- Det er vel ikkje noko å skryte av, sa strandvikingen, - me har hatt minus åtte her hos oss.

- Åh, ute ja, sa hålandsdølen.



REISENE BESTILLER
VI HOS:

TRAVELNET
OS REISEBYRÅ AS

Boks 274 - 5203 Os
Tlf.: 56 30 43 00
e-post: os@travelnet.no
www.verden.no

Følg oss på Facebook 

Vi er til hjelp
for deg og de
nærmeste i tiden
etter at en nær
slektning eller
venn har
gått bort.
Du skal vite at
du kan kontakte
oss når som helst,
dag eller natt. Vi
har alltid tid til å
hjelpe deg!

*En verdig og
trygg avskjed*



BJØRNAFJORDEN
GRAVFERDSHJELP

Amfi Os (inng. øverste etg.) | Telefon 56 30 50 00
E-post: post@bjornafjordengravferdshjelp.no

Solheim Elektro as

5642 Holmefjord

- Alt innen elektro
- Termografering og kontroll av elektriske anlegg
- Sertifisert av Det Norske Veritas



Telefon 91 71 84 91

E-post havard@solheimelektro.no
www.solheimelektro.no





Tønnegarden



Samnøyvegen 57 - 5642 Holmefjord
Tlf. 91 99 30 40

post@tonnegarden.no - www.tonnegarden.no

- Tønneproduksjon før og no.
- Selskapslokale, kurs og møtelokale.
- Servering av tradisjonsmat. Steinomnsbakst.
- Catering -middag, kaldtbord, snittar mm. Kaker og lefser.

  Følg oss på facebook og instagram.



Tombre

www.tombre.no

SPAR 

Eikelandsosen

Opningstid **8-21**

Laurdag **9-20**

Tif. 56 58 00 90

BUNNPRIS

Eikelandsosen

Man - fredag **8-21**

Laurdag **9-20**

Tlf. 56581245

bpeikelandsosen@bunnpris.no



5643 STRANDVIK

Tlf. 56 58 00 70 Fax 56 58 00 79

E-post: post@leiglandbygg.no
www.leiglandbygg.no

*Fusa og
Samnanger*

GRAVFERDSBYRÅ

OMSORG VED LIVETS SLUTT

DØGNÅPEN TELEFON

56 58 15 09

SE MINNESIDER PÅ FS-BYRAA.NO
BESTILL BLOMSTER FRAKTFRITT TIL VÅRE SEREMONIER
VIA MINNESIDENE, PÅ HILDESBLMSTER.NO
ELLER VIA TELEFON 55 19 72 05

Besøk vår heimeside
www.fusa-kraftlag.no

Din lokale kraftleverandør

Strøyma
Fusa kraftlag

5640 EIKELANDSOSEN
Tlf. 56 58 00 20

 SparebankenVest

avd. Fusa

Tlf. 915 05555

Din lokale bank med
forsikring, lån,
sparing og plassering.

VI ER HER
www.spv.no

 Hordaland A/S
Rørteknikk 

 56 58 09 90  hordalandrorteknikk.no

 post@hrt.as  Holsundvegen 285
5642 Holmefjord

Din VVS, VA, Vannkraft og Havbruk
leverandør.

Godkjent lærebedrift i rørleggerfaget.



Gudstenester i Fusa sokn

10.10.2021 - 05.12.2021

Dato	Kl.	Stad	Gudstenesteform	Kyrkjeåret
Oktober				
10.10.	11:00	Eikelandsosen bedehus	Familiemix	20. søndag i treeiningstida
17.10.	11:00	Fusa kyrkje	Gudsteneste	21. søndag i treeiningstida
17.10.	16:30	Sævareid kapell	Gudsteneste	21. søndag i treeiningstida
17.10.	19:00	Eikelandsosen bedehus	Ungdomsgudsteneste	21. søndag i treeiningstida
24.10.	11:00	Hålandsdalen kyrkje	Gudsteneste	22. søndag i treeiningstida
31.10.	11:00	Strandvik kyrkje	Gudsteneste	Bots- og bønedeag
November				
07.11.	11:00	Sundvor kyrkje	Gudsteneste	Allehelgenssøndag
07.11.	19:00	Fusa kyrkje	Minnegudsteneste	Allehelgenssøndag
14.11.	11:00	Eikelandsosen bedehus	Familiemix	25. søndag i treeiningstida
21.11.	11:00	Fusa kyrkje	Gudsteneste	Kristi kongedag
21.11.	16:30	Sævareid kapell	Gudsteneste	Kristi kongedag
21.11.	19:00	Eikelandsosen bedehus	Ungdomsgudsteneste	Kristi kongedag
28.11.	11:00	Strandvik kyrkje	Gudsteneste	Første søndag i advent
28.11.	16:30	Hålandsdalen kyrkje	Gudsteneste	Første søndag i advent
Desember				
05.12.	11:00	Fusa kyrkje	Gudsteneste	Andre søndag i advent

Det kan kome endringar i gudstenestelista.

Frå KYRKJEBØKENE



Dåp

Fusa kyrkje

19.09.2021 Ella Markhus
19.09.2021 Magnus Næss Kolle
19.09.2021 Dina Louise Roald Vinsjansen

Hålandsdalen kyrkje

26.09.2021 Emilie Rykkje

Strandvik kyrkje

11.09.2021 Tarjei Benjamin Wolff
26.09.2021 Eirik Austestad



Gravferd

Strandvik kyrkje

02.09.2021 Amalie L. Andersen, f. 21.01.1932
10.09.2021 Magda Djuvik, f.06.11.1928
16.09.2021 Gunvor Solveig Hauge, f. 14.10.1932

Fusa kyrkje

21.09.2021 Harald Rosvold, f. 21.02.1920

Hålandsdalen kyrkje

25.08.2021 Bjarne Ingar Eide, f. 20.12.1948
29.09.2021 Herborg Bakke, f. 03.01.1930



Vigde

Hålandsdalen kyrkje

04.09.2021 Kristina Hagebø og Karl Magnus Valderhaug



Informasjon

Avsendar:
Fusa kyrkjeblad
Postboks 73
5649 Eikelandsosen

B K OG B LLE!

Tradisjonen tru; siste laurdagen i september samlast mange barn til lesestunda «Bok og Bolle» på biblioteket i Eikelandsosen. Samlinga er soknet sitt trusopplæringstiltak for 7-åringane men er open for alle barn som vil delta.

Denne gongen var det 36 barn og vaksne som deltok. Dei fekk høyra og sjå historia om Josef frå I. Mosebok i Bibelen, medan saft og bollar gjekk ned på høgkant.

Hans Einar Markus



Eit flott knippe konfirmantar vart presentert i Hålandsdalen 26. september.

40 NYE KONFIRMANTAR er i sving med konfirmasjonsførebuing. Denne vinteren skal dei mellom anna ha undervisning, delta og vera delaktige i gudstenester i forskjellig form og ha hjelpeaksjonar. I alt dei gjer og lærer er målet å sjå meir av kven Jesus er og kva det vil sei å følgja han. Vær med og be for dei flotte konfirmantane våre!



KONFIRMANT*



Konfirmantane var samla til leir andre veka i september på Strandebarm Sportell. Ein flott leir med greie konfirmantar og kjekke leiingar!

Hans Einar Markus